



## HE PUKAPUKA POUAKO

# TE PŪTAIAO



### TE KAUPAE 1

92071 | Te torotoro i ngā kōrero tuku iho e pā ana ki tētahi kaupapa taiao ā-iwi.  
(Ngā Whiwhinga: E 5)

Te Rā Tuku Aromatawai ā-Waho: Te Wāhanga 4 - Te 29 o Oketopa, 2025.

# NZQA

Mana Tohu Mātauranga o Aotearoa  
New Zealand Qualifications Authority

# Te Whārangi Ihirangi

|  |           |
|--|-----------|
| He Kete Manarua.....   | 2         |
| <b>92071 Te torotoro i ngā kōrero tuku iho e pā ana ki tētahi kaupapa taiao ā-iwi.</b> |           |
| <b>Te Tūmahi Aromatawai ā-Waho .....</b>   | <b>4</b>  |
| Te Whakatakotoranga Aromatawai ā-Waho.....   | 4         |
| Te Pae Tawhiti .....   | 4         |
| <b>Te Tātauirā .....</b>   | <b>9</b>  |
| <b>Te Paerewa Paetae .....</b>   | <b>11</b> |
| <b>Te Tautuhinga Aromatawai ā-Waho .....</b>   | <b>14</b> |
| Te Whakatakotoranga Aromatawai ā-Waho .....  | 14        |
| Ngā Herenga Aromatawai ā-Waho .....  | 15        |
| Te Motuhēhē o ngā mahi o ngā ākongā .....  | 15        |
| Te Tāpaetanga me te Hāponotanga.....   | 16        |
| <b>Mahere Aromatawai ā-Waho.....</b>   | <b>17</b> |



## He Kete Manarua

Ko te **KETE** i pū mai i te pā harakeke, ā, he whakapapa tōna.

He **MANA** tōna, ā, e **RUA** hoki ōna āhuetanga. Ko ngā taonga tuku iho ka kohikohia e te ākongā, ka tahi. Ka rua, ko te whakapiki i te mana motuhake o te ākongā, o ōna hapū, o ōna iwi hoki.

He tāpaetanga ā-matihiko te āhua o te KETE MANARUA ka tukuna mai e te kura, ā, he kōpaki, he kiriata, he kōrero ā-waha, he rauata, he tuinga, he pūrongo, he whakaaturanga, he rātaka, he mahi rangahau, he aha atu, he aha atu ngā momo tāpaetanga.

### Ngā whakaahua:

'Kina.' Nō Ngahuia Photography.

'Tamure.' Nō Ngahuia Photography.



## Te Pūtaiao

92071 Te torotoro i ngā kōrero tuku iho e pā ana ki tētahi kaupapa taiao ā-iwi.

(Te Kaupae 1, Ngā Whiwhinga e 5)

| Kairangi   | Kaiaka   | Paetae  |
|--|--|---|
| Ka parahau i ngā kōrero tuku iho e pā ana ki tētahi kaupapa taiao ā-iwi. | Ka whakamārama i ngā kōrero tuku iho e pā ana ki tētahi kaupapa taiao ā-iwi. | Ka torotoro i ngā kōrero tuku iho e pā ana ki tētahi kaupapa taiao ā-iwi. |

# Te Tūmahi Aromatawai ā-Waho

He tauira te Tūmahi Aromatawai ā-waho e whai ake nei hei kōwhiringa mā te Pouako. Ka whakamahia rānei, ka whakarite Tūmahi Aromatawai ā-Waho anō rānei, kei te Pouako te tikanga.

## Te Whakatakotoranga Aromatawai ā-Waho

Ka tīpako te ākongā i tētahi momo whakahirahira o tōna maunga rānei, o tōna awa rānei, o tōna moana rānei, o tōna ngahere rānei.

Me whakaatu te ākongā i ōna mōhiotanga mō ngā kōrero tuku iho e whai hononga ana ki tōna iwi, e hāngai ana hoki ki te momo kua tautohua.

He maha ngā momo whakahirahira ka taea e te ākongā.

He tauira ēnei:

- Ngā momo whakahirahira o te ngahere me ngā maunga: te kiwi, te tīeke, te huia, te kōtuku, te kererū, te kūmara, te kauri, te pōhutukawa.
- Ngā momo whakahirahira o te moana: te pāua, te toheroa, te kūtai, te kina, te kahawai.
- Ngā momo whakahirahira o te awa: te tuna.

Ka torotoro te ākongā i ngā kōrero tuku iho e pā ana ki tētahi momo whakahirahira o tōna taiao. Ka whakaatu te ākongā i te hāngai o te kōrero tuku iho ki te momo e hāpaitia ai te mauri o tōna taiao.

Ko ngā kōrero tuku iho e kōrerohia ana ko ngā mea pēnei i:

- te uiui i ngā kaumātua,
- te uiui i ngā whānau,
- ngā kōrero ā-iwi,
- ngā mōteatea,
- ngā haka,
- ngā oriori,
- ngā pūrākau,
- ngā pepeha,
- ngā karakia,
- ngā whakairo,
- ngā tukutuku,
- ngā whakapapa me ētahi atu hanga whakamaumahara,
- ngā kerēme ki te Taraipiunara o Waitangi,
- ngā rauemi ā-iwi,
- ngā rauemi ā-marae hoki, i te aha atu, i te aha atu.

Hopukina ngā hua hei taonga, hei takohatanga, hei whakaaturanga rānei. Mā te ākongā ēnei e whakamahi hei hopu i ana taunakitanga.

## Te Pae Tawhiti

Manaakitia ngā aitanga o taku taiao.

Kia ngākau whitawhita te ākongā ki te hāpai i te mauri o tana taiao mā te whakarite rautaki whakarauora mō ngā momo whakahirahira o tōna maunga rānei, o tōna awa rānei, o tōna ngāhere rānei, o tōna moana rānei.

## Te Pae Tata

Hei ārahi:

1. Whakatauhia te momo whakahirahira hei rangahau māu.
2. Torotorohia ngā kōrero o tō iwi mō te momo whakahirahira kua tautohua e koe.
3. Tākina tō mahi tūhura; he tātauirā mātai kua whakaritea hei āwhina i a koe.
4. Waihangatia tāu ake rautaki whakarauora i te momo whakahirahira kua tautohua e koe.
5. Whakaaturia hei Kete Manarua.
6. Tuarihia tō Kete Manarua ki tō kaiako.

## Whakamaua Kia Tina!

1. Whakatauhia te momo whakahirahira hei rangahau māu. Whakaarohia tētahi e whai pānga ana ki tō iwi, ki tō taiao rānei.
2. Torotorohia ngā puna mōhiohio e hāngai ana. He kōrero tuku iho, he pūrākau, he whakataukī, he uiui i te kaumātua, he aha atu, he aha atu.
3. Mehemea e taea ana, whakatewhatewhahia te taiao, tāwhaitia ngā ngahere, kauria ngā awa, ngā moana; pikitia ngā maunga, tūhuratia te ora rānei, te pēhea rānei o te mauri o tō momo whakahirahira.
4. Whakakīngia te tātauirā mātai hei āwhina i a koe.
5. Whakaemihia ngā kōrero katoa, e pai ai tō waihanga i tētahi rautaki whakarauora momo whakahirahira.
6. Whakaatuhia ngā hua hei kiriata rānei, hei pakipūmeka rānei, hei tuinga roa rānei, hei whakaaturanga matihiko rānei; hei Kete Manarua.

## Whāia te pae tawhiti kia tata

- » Te hiranga o te kahawai ki ngā uri o Te Whānau-a-Apanui
- » Te hiranga o te īnanga ki te hapori o te pūaha o Waikato
- » Te hiranga o te tītī ki ngā iwi o Rakiura
- » Te whakamahinga o te harakeke e ētahi iwi
- » Ngā tohu o ngā manu, pēnei i te tūi ki ētahi iwi
- » Ngā kōrero tuku iho mō te kūmara e ai ki tōna iwi
- » Te mahinga kai, ngā tohutaka a tōna iwi (te kūtai, te kina, te kōura, te aha atu)
- » Te mahinga rongoā Māori, ngā tohutaka a tōna iwi (te kawakawa, te kūmara hou, te aha atu).

## Haumi E!

Ānei he kōrero whakamārama:

## Ngā Momo Whakahirahira

He rāngai rauropi tēnei, he haepapa nui hoki ō ngā momo nei i roto i te pūnaha hauropi. He pāpātanga ki te taiao me ngā rauropi, i te nuinga o te wā, ka whakaawe i te hanganga me te whakahaeretanga o te pūnaha hauropi. E hāngai ana ki ngā momo whakahirahira nā ērā te puna kai, ki ngā kaipupuru i ngā nōhanga, ki ērā e whakahaere ana i te maha o ētahi atu momo.

- Rauropi
- Pāpātanga
- Haepapa
- Whakaawe
- Hanganga
- Whakahaeretanga
- Pūnaha hauropi
- Puna kai
- Nōhanga
- Taupori

Hei tā te paekupu mō te kupu momo; He rōpū rauropi. He ōrite te hanga me ētahi āhuetanga o ngā rauropi o tēnā momo, o tēnā. Mā te ai o tētahi rauropi me tētahi atu o tōna momo e whakaputa uri ai. Kāore i ārikarika ngā momo e noho ana ki a Papatūānuku – he nui ake i te rua miriona. Hei tauira, ko te tangata, ko te kurī, ko te kūmara, ko te kuku. E whakamahia ana te reo Rātina e ngā mātanga pūtaiao ki te whakaingoa i ngā momo katoa e mōhiotia ana.

## He Kōrero Tuku Iho

Ko ngā kōrero ā-iwi i roto i ngā mōteatea, i ngā haka, i ngā oriori, i ngā pūrākau, i ngā pepeha, i ngā oriori, i ngā karakia, i ngā whakairo, i ngā tukutuku, i ngā kōwhaiwhai, i ngā whakairo, i ngā whakapapa me ētahi atu hanga whakamaumahara.

Ko ngā kōrero ā-whānau i roto i ngā uiui kaumātua, i ngā uiui i ngā tāngata o te hāpori, i ngā tohutaka kai a te whānau, i ngā tikanga hī ika, i ngā tikanga whakatō me te hauhake kai, i ngā ritenga o te whānau.

## Te Rautaki Whakarauora

- » He kaupapa whāomoomo – he whakapūmau, he tiaki i ngā āhuetanga katoa o te taiao ahakoa ngā panonitanga kua pā ki te ao tūroa.
- » He kaupapa whakarauora – he whakarauora i tētahi taiao kia hoki anō ai ki tōna āhua o mua.
- » He kaupapa whakawhanake – he whakawhanake i tētahi taiao kia tutuki ai ngā manako mō te anamata.
- » Ngā mahi a ngā tūpuna – he whakamahi i ngā kōrero tuku iho hei painga mō te ao tūroa.

### Hei Tauira:

- » Te whakahou i ngā pūnaha hauropi; te whakahou me te whakahaumanu i ngā hauropi kia hoki anō ai ki tōna āhua tūturu kia tū mai ai tētahi taiao tika mō ngā momo whakahirahira.
- » Te whakahoki rauropi; te whakahoki i ngā momo whakahirahira ki ngā rohe kua heke, kua korehāhā rānei tētahi momo, tētahi rauropi rānei i roto i taua taiao.

- » Te whakahaere taiao; te ārahi, te whakakore rānei i ngā kararehe, i ngā tipu, i ngā momo riha e patu ana i ngā momo taketake e whakahirahira ana.
- » Te whakamaru rohe; te whakamaru i ngā wāhi tapu, i ngā papa tāpui, i ngā taiāpure.
- » Ngā tukanga toitū; he whakatairanga, he whakatinana i ngā tukanga toitū mō te mahi whenua me te unu rauemi.
- » Ngā ture me ngā kaupapa here; he whakatū me te whakamana i ngā ture me ngā kaupapa here a ngā rūnanga, a ngā kaunihera me ngā rōpū taiao hei tiaki i ngā momo mōrea me ngā nōhanga o ērā.
- » Te whakauru me te whakaako i te hapori; he whakarite i tētahi mahere e uru ai te hapori, e ako ai hoki rātou i ētahi kaupapa whakaaraara e hāngai ana ki ngā momo whakahirahira.
- » Te rangahau me te aroturuki; he whakahaere i tētahi rangahau pūtaiao kia mārama ai ngā hiahia me ngā whanonga o ngā momo whakahirahira.

## Hui E!

Hei whakaatu:

Kapohia ngā kōrero, ngā rangahau, ngā hua katoa hoki. Whakakīngia te tātauirā, whakaemi katoatia hoki hei whakaaturanga, hei taonga, hei waiata, hei aha atu hoki. Kei te ākongā te kōwhiringa.

### *Te Tuhituhi*

- » He tuhinga roa: he tuhinga e whakakotahi ana i ō rangahau, ā, he tīmatanga, he puku, he otinga hoki tōna. Whakaurua ngā hua, ngā whakawhiti kōrero me te whakakapinga.
- » He pepa rangahau: he pepa ōkawa e whai wāhi nei ngā kauwhata me ngā tohutoro.

### *He Whakaaturanga*

- » He whakaaturanga matihiko: he whakaaturanga mā te Powerpoint, mā te Slides, mā te Prezi rānei e whakaatu ana i ngā āhuatanga rerekē o te rangahau.
- » He whakaaturanga ā-waha: he whakaaturanga; heoi, ko te nuinga o te tītohunga ataata he pikitia, ā, ko ngā kōrero a te kaikōrero hei kīnaki.

### *He Pānui Whakairoiro*

- » He pārongo whakairoiro: he pānui nui e whakaatu ana i ngā kauwhata, i ngā pikitia me ngā kōrero matua.
- » He pānui pūtaiao: he ataata whakarata e whakarāpopoto ana i ngā rangahau katoa mā te whakamahi i ētahi whakairoiro, e iti nei ngā kupu ka whakamahia.

### *He Rauemi Rongorau*

- » He kiriata pakipūmeka: he kiriata poto e whakaatu ana i ngā rangahau, i ngā uiui, i ngā

raraunga hoki.

- » He pāhorangi: he kaponga reo kōrero i te ākongae whakawhiti kōrero ana mō te rangahau me ana kitenga, he whakauru hoki i ngā uiui.

### *He Arapāho Pāhekoheko*

- » He pae tukutuku: he whakarite i tētahi whārangi, i tētahi hauhiko rānei e kōrero ana mō ngā tirohanga rerekē o te rangahau. Ka wātea hoki te ākongae ki te whakauru i ngā mea pāhekoheko, pērā i ngā tākupu me ngā kēmu patapatai.
- » He paki matihiko: he whakarite i tētahi kōrero paki rongorau e kōrero ana mō tētahi momo whakahirahira.

### *He Kaupapa Auaha*

- » He kaupapa toi: he mahi toi ataata, pēnei i te tā, i te peita, i te mahi uku hei tautoko i tētahi tuhinga rangahau.
- » He tauira ahu-toru: he tauira ahu-toru e whakaatu ana i te nōhanga, i te momo whakahirahira rānei hei tautoko i tētahi tuhinga rangahau.

### *He Tuhinga Ataata*

- » He atikara maheni: he atikara kua hoahoatia, pēnei i ērā o ngā maheni, arā, he pikitia, he pou taha, he kōrero matua hoki tōna.
- » He mātārere: he tuhinga ki te pepa, kotahi te whārangi, he ruarua rānei ngā whārangi hei pānui, hei whakatairanga hoki i tētahi mea e hokona ana, i tētahi ratonga rānei, hei whakamōhio rānei i tētahi kaupapa. Tērā pea, ko te reo ataata ka whakamahia hei poapoa i te hunga pānui.

E whai ake nei ngā hōputu kōnae e tika ana hei tuku ki Te Mana Tohu Mātauranga.

- Hei tuhinga .pdf (5 - 20 whārangi); he mahinga toi; he tuhinga; he ataneke; te ripanga rānei.
- Hei kiriata .mp4 | .mov (5GB); he oro; he kiriata rānei.

Tuarihia te Kete Manarua ki Te Mana Tohu Mātauranga i mua i te rā aukati.

## **Taiki E!**

Hei te **29 o Oketopa 2025** te rā tuku aromatawai ā-waho ki NZQA.



# Te Tātairā

Te Tūhura i tētahi Momo whakahirahira.

|        |  |          |  |
|--------|--|----------|--|
| Ākonga |  | NSN Nama |  |
|--------|--|----------|--|

## NGĀ MEKA

### Te Momo

- Te ingoa taketake, te ingoa pūtaiao, te ingoa noa

### Tōna āhua

- Te tae, te rahi, ngā āhuatanga motuhake

### Tōna nōhanga

- Te rohe, te wāhi, te momo taiao

### Tana kai

- He aha āna kai?

### Tana tūnga whāomoomo

- He momo mōrearea, he momo whakaraerae rānei?

## NGĀ KŌRERO TUKU IHO

- Ngā kōrero ā-iwi
- Ngā kōrero ā-whānau
- Ngā kōrero kei te ipurangi
- Ngā pukapuka me ngā atikara

## NGĀ WHAKARAERAETANGA

- Ngā whakaraeraetanga
- Ngā pāpātanga o ngā whakaraerae

## TE MĀTAI TAI AO

### Te rā/marama

### Te wāhi

- Te ingoa taketake, te ingoa wāhi

### Te momo o te taiao

- Ngā tairongo

**NGĀ RAUTAKI WHAKARAUORA**

- Te whakahou i ngā pūnaha hauropi
- Te whakahoki rauropi
- Te ārahi i te taiao
- Te whakamaru i te rohe
- Ngā tukanga toitū
- Ngā ture me ngā kaupapa here
- Te whai wāhitanga o te hapori me te whakaako i a rātou
- Te rangahau me te aroturuki

**TE HUA**

- Te whakaputa me te whakaatu
- Ngā kōrero matua ka whakaurua
- Ngā pikitia ka whakaurua
- Ngā tohutoro

# Te Paerewa Paetae

**Tau** AS92071      **Putanga** 2      **Whārangi** 1 o te 3

## Paerewa Paetae

|                               |  |                        |              |
|-------------------------------|--|------------------------|--------------|
| <b>Aronga</b>                 | Pūtaiao 1.3  |                        |              |
| <b>Ingoa</b>                  | Te torotoro i ngā kōrero tuku iho e pā ana ki tētahi kaupapa taiao ā-iwi |                        |              |
| <b>Kaupae</b>                 | 1  | <b>Whiwhinga</b>       | 5            |
|                               |  | <b>Aromatawai</b>      | Ā-waho       |
| <b>Marau akoranga</b>         | Te Marautanga o Aotearoa   |                        |              |
| <b>Kokonga akoranga</b>       | Pūtaiao  |                        |              |
| <b>Mana rēhita</b>            | Kua rēhitatia  | <b>Te rā i mana ai</b> | Hakihea 2023 |
| <b>Te rā e arotakengia ai</b> | Hakihea 2028   | <b>Te rā i puta ai</b> | Hakihea 2023 |

## Te Whāinga

Ko te whāinga o tēnei paerewa paetae he torotoro i ngā kōrero tuku iho e pā ana ki tētahi kaupapa taiao ā-iwi.

## Paearu Paetae

|                 |  |
|-----------------|--|
| <b>Paetae</b>   | Hei tohu i te paetae: <ul style="list-style-type: none"> <li>• Ka torotoro i ngā kōrero tuku iho e pā ana ki tētahi kaupapa taiao ā-iwi.</li> </ul>    |
| <b>Kaiaka</b>   | Hei tohu i te kaiaka: <ul style="list-style-type: none"> <li>• Ka whakamārama i ngā kōrero tuku iho e pā ana ki tētahi kaupapa taiao ā-iwi.</li> </ul> |
| <b>Kairangi</b> | Hei tohu i te kairangi: <ul style="list-style-type: none"> <li>• Ka parahau i ngā kōrero tuku iho e pā ana ki tētahi kaupapa taiao ā-iwi.</li> </ul>   |

## Kōrero Āpiti

- 1 I ahu mai tēnei paerewa paetae i te Taumata 6 o Te Marautanga o Aotearoa (Te Tāhuhu o te Mātauranga, 2017). E hono ana ki te Papa Whakaako mō Pūtaiao kei: <https://ncea.education.govt.nz>.

*Whāinga Paetae*

*Ngā Tautake Pūtaiao me ngā Kōrero o Mua*

1. Ka ako i ngā huatau matua me ngā kōrero o mua o te pūtaiao, me ngā wāhi i roto i ngā pou pūtaiao. Ka ako haere e pā ana ki ngā huringa tautake o te pūtaiao e tupu haere ana.
2. Ka mārama haere ki ngā huatau o te tautake o te mātauranga, kia kite ai i ngā uara taketake o te pūtaiao, he rerekē i ērā o te tangata whenua. Ka mārama haere ki ngā tikanga whakahaere o te mātauranga pūtaiao, me te ako i ngā kōrero mō ētahi tauira whakapai, whakakino rānei. Ka tirohia ētahi take porihanga o ēnei rā e pā ana ki ngā matatika pūtaiao, me pēhea hoki e uruparehia ai.

- 2 E whai ake nei ngā whakamārama mō ngā paearu paetae:

*Ka torotoro i ngā kōrero tuku iho e pā ana ki tētahi kaupapa taiao ā-iwi:*

- Ka rapu mōhiotanga, ka kimi māramatanga mai i ngā kōrero tuku iho e pā ana ki:
- tētahi kaupapa taiao ā-iwi
- ngā huarahi e hāpai ai te kaupapa taiao i te mana o te iwi.

*Ka whakamārama i ngā kōrero tuku iho e pā ana ki tētahi kaupapa taiao ā-iwi:*

- Ka wetewete i ngā hononga i waenga i:
- ngā kōrero tuku iho me tētahi kaupapa taiao-ā-iwi
- ngā huarahi e hāpai ai te kaupapa taiao i te mana o te iwi.

*Ka parahau i ngā kōrero tuku iho e pā ana ki tētahi kaupapa taiao ā-iwi:*

- Ka whakamārama, ka whakatakoto taunakitanga e pā ana ki ngā mōhiotanga, ngā māramatanga me ngā hononga i waenga i:
- ngā kōrero tuku iho me tētahi kaupapa taiao ā-iwi
- ngā huarahi e hāpai ai te kaupapa taiao i te mana o te iwi.

- 3 E whai ake nei ngā whakamārama mō ngā kupu me ngā kīanga whaitake matua o te paerewa nei:

|                            |   |
|----------------------------|---|
| <i>ngā kōrero tuku iho</i> | Ko ngā kōrero ā-iwi mai i roto i ngā mōteatea, haka, oriori, pūrākau, pepeha, karakia, whakairo, tukutuku, whakapapa me ētahi atu hanga whakamaumahara. |
|----------------------------|---|

|                            |  |
|----------------------------|--|
| <i>kaupapa taiao ā-iwi</i> | <p>He take tiaki taiao kei te kōkirihiā e tētahi iwi. Hei tauira:</p> <ul style="list-style-type: none"> <li>• He kaupapa whāomoomo - te whakapūmau, te tiaki i ngā āhuetanga katoa o te taiao ahakoa ngā panonitanga kua pā ki te ao tūroa.</li> <li>• He kaupapa whakarauora - te whakarauora i tētahi taiao kia hoki anō ki tōna āhua o mua.</li> <li>• He kaupapa whakawhanake - te whakawhanake i tētahi taiao kia tutuki ai ngā manako mō anamata.</li> </ul> <p>Ngā mahi a ngā tūpuna - te whakamahi i ngā kōrero tuku iho hei painga mō te ao tūroa.</p> |
|----------------------------|--|

4 Arā ngā Tikanga Aromatawai mō tēnei paerewa paetae, kei:

<https://ncea.education.govt.nz>.

5 Kuputaka

|          |                   |
|----------|-------------------|
| torotoro | <i>to explore</i> |
|----------|-------------------|

### Kōrero Whakakapinga

I whakakapingia ngā paerewa 91719-91723 e ngā paerewa 92069-92072.

### Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233

# Te Tautuhinga Aromatawai ā-Waho



|                               |  |
|-------------------------------|--|
| Te Paerewa Paetae             | 92071  |
| Te Ingoa o te Paerewa Paetae  | Te torotoro i ngā kōrero tuku iho e pā ana ki tētahi kaupapa taiao ā-iwi   |
| Ngā whiwhinga                 | E 5  |
| Te Marau                      | Te Marautanga o Aotearoa: <a href="#">Pūtaiao</a>  |
| Te Wāhanga Ako                | <a href="#">Te Tukutuku Ako</a>  |
| Te Tukanga Aromatawai ā-Waho  | <a href="#">He Kete Manarua</a>  |
| Te Momo Tāpaetanga ā-Matihiko | He konae tuhituhi - PDF (5 - 20 whārangi)<br>He kiriata - .mp4   .mov  |
| Te Rā Tuku Aromatawai ā-Waho  | Te 29 o Oketopa, 2025  |
| Ngā Wātaka Aromatawai ā-Waho  | <a href="#">Ngā Rā Aromatawai ā-Waho 2025</a><br><a href="#">Examination timetable and assessment dates 2025</a> |

## Te Whakatakotoranga Aromatawai ā-Waho

Ka tīpako te ākonga i tētahi momo whakahirahira o tōna maunga rānei, o tōna awa rānei, o tōna moana rānei, o tōna ngahere rānei.

Me whakaatu te ākonga i ōna mōhiotanga ki ngā kōrero tuku iho e whai hononga ana ki tōna iwi, ki tētahi iwi o tōna kāinga e hāngai ana ki te momo i tautohua.

He maha ngā momo whakahirahira hei kōwhiri mā te ākonga. Hei tauira:

- Ngā momo whakahirahira o te ngahere me ngā maunga: te kiwi, te tīeke, te huia, te kōtuku, te kererū, te kūmara, te kauri, te pōhutukawa.
- Ngā momo whakahirahira o te moana: te pāua, te toheroa, te kūtai, te kina, te kahawai.
- Ngā momo whakahirahira o te awa: te tuna, te inanga.

Ka torotoro te ākonga i ngā kōrero tuku iho e pā ana ki tētahi momo whakahirahira o tōna taiao. Ka whakaatu te ākonga i te hāngai o te kōrero tuku iho ki te momo e hāpaitia ai te mauri o tōna taiao.

Ko ngā kōrero tuku iho e kōrerohia ana, ko ngā mea pēnei i:

- te uiui i ngā kaumātua,
- te uiui i ngā whānau,
- ngā kōrero ā-iwi,
- ngā mōteatea,
- ngā haka,
- ngā oriori
- ngā pūrākau,
- ngā pepeha,
- ngā karakia,
- ngā whakairo,

- ngā tukutuku,
- ngā whakapapa me ētahi atu hanga whakamaumahara,
- ngā kerēme ki te Taraipiunara o Waitangi,
- ngā rauemi ā-iwi,
- ngā rauemi ā-marae hoki, i te aha atu, i te aha atu.

Hopukina ngā hua hei taonga rānei, hei takohatanga rānei, hei whakaaturanga rānei. Mā te ākongā ēnei e whakamahi hei hopu i ana taunakitanga.

- Hei tuhinga .pdf (5 - 20 whārangi); he mahinga toi; he tuhinga; he ataneke; te ripanga rānei.
- Hei kiriata .mp4 | .mov (5GB); he oro; he kiriata rānei.

Tēnā tirohia te Kete Manarua i te paetukutuku nei - [Kete Manarua](#).

E whakaatu ana te Kete Manarua i tētahi tauira. Mā te kaiako tonu e whiriwhiri mēnā rānei ka whakamahia te tauira nei, ka whakaritea rānei he Tūmahi Aromatawai ā-Waho anō.

## Ngā Herenga Aromatawai ā-Waho

He mahi takitahi tēnei mahi me te whakatakoto taunakitanga mō te aromatawai ā-waho mā te ākongā. Kia tutuki pai ai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kua e noho tītaha, e huripoki rānei);
- me tāmāu te kiriata ki te tītohunga ata, otirā, kāore e whakaaetia ana te tukunga o te honongaitua i tōna kotahi.

[Using the new digital submission portal.](#)

## Te Motuhēhē o ngā mahi o ngā ākongā

Me pēhea e mōhiotia ai te motuhēhē o ngā mahi a ngā ākongā? He tukanga, he taunakitanga me whai, e mōhiotia ai nā te ākongā ake āna mahi aromatawai. Kia mataara ngā ākongā, ngā kaiako me te whānau hoki o te kura ki te motuhēhē o ngā mahi a ngā ākongā.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākongā.

**Hei tauira:**

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;

- He mihi ki ngā puna āwhina, ki ngā puna kōrero;
- Ngā momo puna awhina, puna kōrero rānei:
  - » he kōrero ā-waha: he uiui i ngā kaumātua, i ngā pakeke, i ngā rangatira, i ngā mātanga rānei;
  - » ngā pukapuka i whakaputaina;
  - » ngā pukapuka kāore anō i whakaputaina;
  - » ngā wāhitau ipurangi, ngā honongaitua rānei.

He kōrero anō kei ngā paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

## Te Tāpaetanga me te Hāponotanga

Ko ngā tāpaetanga Kete Manarua me mahi mā te pūnaha hou (kei te paetukutuku matua o MyNZQA): Tāpaetanga pūnaha hou a NZQA.

Kāore te Kete Manarua matihiko e whakahokia ki te ākongā. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina te kura ki te tuku i ngā tāpaetanga o te Kete Manarua:

- Īmērahia a [assessment.servicecentre@nzqa.govt.nz](mailto:assessment.servicecentre@nzqa.govt.nz),
- waeahia rānei te NZQA Contact Centre i te 0800 687 296.



# Mahere Aromatawai ā-Waho

Pūtaiao 92071: Te torotoro i ngā kōrero tuku iho e pā ana ki tētahi kaupapa taiao ā-iwi

| Hei tohu i te Kairangi   | Hei tohu i te Kaiaka   | Hei tohu i te Paetae  |
|--|--|---|
| Ka parahau i ngā kōrero tuku iho e pā ana ki tētahi kaupapa taiao ā-iwi. | Ka whakamārama i ngā kōrero tuku iho e pā ana ki tētahi kaupapa taiao ā-iwi. | Ka torotoro i ngā kōrero tuku iho e pā ana ki tētahi kaupapa taiao ā-iwi. |

## Te Taunakitanga o te Aromatawai ā-Waho

| Kairangi   | Kaiaka   | Paetae  |
|--|--|---|
| <p>Ka parahau i ngā kōrero tuku iho e pā ana ki tētahi kaupapa taiao ā-iwi.</p> <ul style="list-style-type: none"> <li>• Ka whakamārama, ka whakatakoto taunakitanga te ākongā e pā ana ki ngā mōhiotanga, ki ngā māramatanga me ngā hononga o ngā kōrero tuku iho mō tētahi momo whakahirahira kua tautohua mai i tō maunga rānei, i tō awa rānei, i tō moana rānei, i tō ngahere rānei.</li> <li>• Ka whakamahere te ākongā i ētahi rautaki whakarauora momo hei hāpai i te taiao mā te whakamahi i ngā puna mōhio e rua, e nui atu ana rānei i tērā.</li> </ul> | <p>Ka whakamārama i ngā kōrero tuku iho e pā ana ki tētahi kaupapa taiao ā-iwi.</p> <ul style="list-style-type: none"> <li>• Ka wetewete te ākongā i ngā hononga o ngā kōrero tuku iho mō tētahi momo whakahirahira kua tautohua mai i tō maunga rānei, i tō awa rānei, i tō moana rānei, i tō ngahere rānei.</li> <li>• Ka whakamahere te ākongā i tētahi rautaki whakarauora momo hei hāpai i te taiao.</li> </ul> | <p>Ka torotoro i ngā kōrero tuku iho e pā ana ki tētahi kaupapa taiao ā-iwi.</p> <ul style="list-style-type: none"> <li>• Ka rapu mōhiotanga, ka kimi māramatanga te ākongā mai i ngā kōrero tuku iho mō tētahi momo whakahirahira kua tautohua mai i tō maunga rānei, i tō awa rānei, i tō moana rānei, i tō ngahere rānei.</li> </ul> |

## Ngā whakatau iho

| Kairangi | Kaiaka | Paetae | Kāore i whiwhi |
|----------|--------|--------|----------------|
| 7 - 8    | 5 - 6  | 3 - 4  | 0 - 2          |